

Tus Tswv Xeev Walz Tshaj Tawm Txog Lwm Theem ntawm COVID-19 los Muab Qhov uas Cov Menyuam Yuav Tau Rov Mus Kawm Ntawv Saib Tseem Ceeb, Pab Tiv Thaiv Cov Tsev Kho Mob Kom Neeg Txhob Coob Coob

Tus Tswv Xeev kuj rhawv ib txoj cai uas muab \$216 million los mus pab cov kev lag luam me thiab pab nyiaj poob haujlwm rau 13-lub lim tiam ntxiv

Hnub Wednesday, lub 12 Hlis tim 16, tus Tswv Xeev Walz tau tshaj tawm ib txojkev pab kom muaj tshuaj txhaj tiv thaiv tus kab mob COVID-19. Nws ua tau li ntawd thaum pab tiv thaiv cov tsev kho mob tsis tseg kom neeg txhob coob coob thiab pab cov menyuam rov mus kawm ntawv hauv lawv tej hoob kawm thiab pab cov pejxeem Minnesota kom qab siab ua neej. Tom qab tshaj tawm tas, tus Tswv Xeev tau xee ib txoj cai uas muab \$216 million los pab txhawb cov kev lag luam me thiab cov neeg ua haujlwm vim tus kab mob.

Qhov uas cov menyuam mus kawm tom tsev kawm ntawv kiag tseem ceeb kawg rau ib tsoom zej zos txojkev noj qab haus huv. Cov tsev kawm ntawv tseem ceeb heev li rau Minnesota cov menyuam txojkev noj qab haus huv thiab kev kawm ntawv. Raws li tej uas Minnesota totaub txog tus kab mob no, lawv ntseeg tias yog tias cov menyuam yaus kis tau COVID-19 los lawv yuav tsis mob hnyav heev. Lub xeev kuj kawm tau ntawm lwm qhov chaw tias yuav ua li cas tus kab mob thiaj tsis kis rau lwm tus hauv cov tsev kawm ntawv. Tus Tswv Xeev tau muab txoj kevcai Ua Raws Li Txojkev Npaj Los Kawm Kev Xyuam Xim hloov tshiab es pib rau lub 1 Hlis tim 18, 2021, kom txhua lub tsev kawm ntawv elementary thoob plaws lub xeev xav xaiv cia cov tub kawm ntawv tuaj kawm tim ntsej tim muag los tau yog tias ua raws li txoj cai xyuam xim, uas yuav pub cov khoom npog ntsej muag thiab npog qhov ncauj qhov ntswg thiab muaj kev kuaj kab mob rau cov ua haujlwm.

Tus Tswv Xeev paub hais tias qhov uas yus nrog cov uas yus hlub uake thiab ua ev xaws xais tsis tseg yuav pab kom sawvdaws noj qab haus huv mus thoob plaws lub xeev. Tus Tswv Xeev tau hloov tej kevcai txwv uas muaj tamsim no kom cia cov pejxeem Minnesota saib xyuas lawv txojkev xav kom nyob zoo:

- **Tej Kev Koom Ua Pab Ua Pawg:** Tsis xav kom koom ua pab ua pawg hauv tsev, tiamsis cov pejxeem Minnesota koom nrog lwm tsev neeg los tau tsuav tsis tshaj 10 leej. Yog tuaj koom nyob ua pab ua pawg nraum zoov, ces koom tau nrog ob tsev neeg ntxiv (tagrho peb tsev neeg) tsuav tsis tshaj 15 leeg, pib lub 12 hlis tim 19. Peb xav kom nej npog qhov ncauj qhov ntswg thiab nyob sib nrug.
- **Cov gym thiab chaw ua ev xaws xais:** Qhib tau rau cov ua ev xaws xais ib leeg uas tsis pub puv tshaj 25%, lossis tsis tshaj 100 tus tibneeg. Yuav tau looj qhov ncauj qhov ntswg thiab nyob sib nrug ntawm lwm tus 12 fij. Pib rau lub 1 hlis tim 4, yuav muaj kev taw qhia ntxiv txog cov hoob uas muaj tej pawg.

- **Cov kis las rau cov hluas thiab cov laus:** Rov muaj kev xyaum rau lub 1 His Tim 4. Yuav muaj kev taw qhia ntxiv txog qhov uas rov cia tuaj xyaum kis las tom ntej. Ntxiv rau ntawd, cov kis las yuav tsis siv cov county case data thiab cov tsev kawm ntawv lub kev npaj txog COVID-19. **Tej chaw ua kev lom zem nyob sab nraum zoov** : Tsuas pub puv li 25%, uas tsis tshaj 100 tus neeg rau ib zaug. Txhua tus yuav tsum muaj chaw zaum yog tias muaj mov noj thiab dej haus.
- **Tej chaw ua party nyob sab hauv tsev,** tej tshav puam siv ua ub ua no, thiab tej yam zoo li ntawd yuav muab kaw cia mus txog lub 1 Hlis tim 11.
- Cov chaw muag cawv, cov khw noj mov, thiab chaw ua dej cawv kuj yuav tsis pub noj sab hauv, tiamsis lawv noj haus tau nraum zoov tsuav tsis coob tshaj 50% lossis tsis tshaj 100 leej. Ib lub rooj tsuas pub muaj plaub leeg xwb, thiab ib lub rooj yuav tsum nyob nruv dej 6 fij ntawm lwm lub.

Thaum no cov tsev kho mob txhawb tsam lawv tsis muaj peevxwm kho txhua tus uas muaj mob, tus Tswv Xeev Walz tseem rau siab ntso nrhiav kev los pab kom tus kab mob COVID-19 tsis txhob kis mus rau ib txoom zej zog thiab pab cov phaj ej uas tau tiv tau kho kiag cov mob. Cov pejxeem Minnesota yuav tsum ceev faj tas zog kom tus kab mob thiaj kis mus rau lawv zej lawv zos—looj qhov ncauj qhov ntswg, xyaum nyob sib nruv, thiab mus kuaj yog koj tsis xis nyob.